

Search Newspapers

Browse Newspapers

I am looking for



Advanced Search ▾

Home > Berita Harian > 19 December 1964 > Page 1 > GAJI SAMA POLIS

GAJI SAMA POLIS

Berita Harian, 19 December 1964, Page 1

Article also available on Microfilm Reel NL4317

★ Add to Citation

< Previous Article

Next Article >

< Previous Page

Next Page >

GAJI SAMA POLIS

Dato Ismail: Sedang di-kaji surohanjaya, anak negeri Ketua Polis Negara 1966

MENTERI NAFIKAN TUDOHAN TERHADAP POLIS DI-SINGAPURA
KUALA LUMPUR, Juma'at

MENTERI Dalam Negeri, Dato (Dr.) Ismail bin Dato Abdul Rahman, mengumumkan dalam Dewan Ra'ayat hari ini bahawa Kerajaan sedang merangka satu tangga gaji sama untuk seluruh anggota polis di-Malaysia.

Perkara ini sedang di-timbangkan oleh sa-buah Surohanjaya.

Dato Ismail membuat pengumuman ini ketika menggulung debat peruntukan sa-banyak \$207 juta untuk tahun depan bagi Kementerian-nya. Peruntukan itu kemudian-nya di-luluskan.

Dato Ismail berkata beliau sukachita bahawa ahli2 Dewan Ra'ayat mengambil berat terhadap kebajikan anggota2 polis di-negeri ini "dan saya sendiri juga mengambil berat dalam kebajikan mereka."

Menteri itu memulakan jawapan-nya dengan mengulas kechaman2 dari anggota2 PAP terhadap polis Malaysia di-Singapura, yang menurut mereka telah menyalahgunakan kuasa dharurat.

Ta' kecham polis

Tudohan ini di-buat semalam oleh Menteri Buroh Singapura, Tuan Jek Yuen Tong. Dato Ismail menafikan-nya hari ini dengan berkata: "Saya puas hati bahawa pasokan Polis Malaysia di-Singapura telah menjalankan tugas mereka dengan chemerlang dan memuaskan."

Pada perengkat ini Tuan Jek bangun, berkata: "Saya tidak pernah mengecham polis Malaysia dalam bentuk-nya sa-lepas Malaysia. Yang saya kecham ia-lah bentuk mereka sa-masa penjajah. Sa-benar-nya saya sendiri puas hati bahawa anggota2 polis kita telah menjalankan tugas2 yang chemerlang di-Singapura."

Tuan Jek meminta ma'af kapada Menteri itu kerana kenyataan-nya semalam yang mengecham keanggaan polis mengeluarkan permit kapada National Trades Union Congres mengadakan rapat anti-belanjawan di-Victoria Memorial Hall di-Singapura hari Ithnin lalu.

Information ▴

Newspaper:
Berita HarianDate:
19 December 1964Reel Number:
NL4317

^ Scroll to Top

Share

Table of Contents ▴



Dato Ismail berkata: "Kalau-lah kenyataan ini benar mengembalikan kepercayaan umum terhadap polis kita, maka saya puas hati dengan penjelasan itu."

Dato Ismail seterusnya menjelaskan bahawa polis pada mula-mula tidak tahu bahawa penganjor rapat itu sudah meminta nasihat undang2 yang bersetuju bahawa Victoria Memorial Hall tidak dianggap sebagai tempat awam dan kerana itu tertolak kepada undang2 kesalahan kecil yang memerlukan permit polis diambil untuk mengadakan rapat di situ.

Bertentangan dgn undang2

Kerana itu, kata-nya, polis telah memberitahu kepada penganjor rapat itu bahawa rapat itu ada-lah bertentangan dengan undang2 tersebut.

Pihak polis, dalam hal ini, kata-nya, cuma menjalankan kelaziman yang biasa-nya di-buat.

Pada hari berikut-nya baharu-lah polis mendapat tahu bahawa Peguam Negeri Singapura telah mengesahkan bahawa fikiran-nya telah di-minta mengenai perkara ini.

Dato Ismail mempertahankan bahawa polis dalam perkara ini telah bertindak "dengan niat baik" dan mereka mempunyai hak berbuat demikian.

Mengenai perkara rasuah yang di-sebut dahulu-nya oleh Tuan D.R. Seenivasagam (PPR-Ipoh), Dato Ismail berkata bahawa keadaan yang sa-benar-nya tidak-lah saburok yang di-gambarkan oleh pemimpin PPR itu.

Kata-nya, memang rasuah wujud di-negeri ini, "tetapi wujud-nya rasuah itu tidak-lah pula menghalangi kemajuan negeri ini.

"Kalau rasuah bermaharaja lela, tidak akan tercapai kema'amoran yang ada sekarang dan tidak akan wujud perkembangan industri di-negeri ini," kata-nya.

Dato Ismail menambah

bahawa Kerajaan memang mahu menghapuskan rasuah "dan kita akan berbuat apa sahaja yang boleh ka-arrah ini."

Mengenai tuduhan bahawa Timbalan Perdana Menteri, Tun Razak terlibat dalam pakatan hendak menchederakan Bekas Menteri Pertanian Inche Aziz Ishak, Dato Ismail berkata bahawa perkara itu telah di-siasat atas perintah Peguam Negara.

Perkara itu di-dapati tidak mempunyai bukti2 kerana Inche Aziz sendiri

mendapat perkhabaran itu dari orang lain.

Tuan Seenivasagam; Adakah Peguam Negara bermaksud hendak mengambil tindakan terhadap orang yang membuat aduan itu?

Dato Ismail: Saya akan berunding dengan Peguam Negara mengenai perkara ini.

Menyentuh shor Inche Abdul Razak Hussin (PER-Lipis) supaya kerajaan memindahkan penjara Pudu di-Kuala Lumpur itu kepada satu kawasan yang lebih munasabah, Dato Ismail berkata chadangan ini sedang di-kaji sekarang.

Soal-nya sekarang ia-lah untuk mencari satu tempat yang sa-suai untuk memindahkan penjara itu, kata-nva.

Dato Ismail juga memberitahu dewan itu bahawa Ketua Polis Negara yang sekarang di-pegang oleh sa-orang kulit puteh akan di-ambil alih oleh anak negeri pada akhir tahun 1965 bila kontrek-nya tamat.

Satelah lulus peruntokan belanja Kementerian Dalam Negeri itu, maka Inche Senu bin Abdul Rahman membentangkan pula perinchian belanja Kementerian Penerangan dan Penyiaran-nya.

Bellau telah menyatakan hal2 berikut:

- Kerajaan Malaysia tidak pernah menggunakan di'ayah2 murah, berita2 palsu, chachi-menchachi serta membidas peribadi sa-saorang saperti yang dilakukan oleh Radio Republik Indonesia terhadap negara dan pemimpin2 Malaysia.

Siaran2

- Siaran2 SUARA MALAYSIA di-terima baik oleh ra'ayat Indonesia walau pun Sukarno mengeluarkan Edict No. 13 melarang ra'ayat-nya mendengar siaran2 itu.

- Perjuangan menawan hati dan fikiran ra'ayat berjalan serentak dengan kegiatan2 mengemukakan "image" Malaysia di-seberang laut.

- Lebih banyak lagi steshen2 dan alat pemancar sedang dibena di-seluruh negeri untuk membolehkan ra'ayat mendengar siaran2 lebih sempurna lagi.

- Ada-lah di-harap negeri2 Pantai Timor akan mene'mati siaran2 talivishen hujung tahun 1965 atau awal2 tahun 1966.

Dalam perbinchangan mengenai-nya, Inche Wan Kadir (Per — Kuala Trengganu Utara) menyatakan kesal-nya kerana "master bulletin" siaran warta berita Radio Malaysia maseh juga dalam bahasa inggeris, sedangkan tahun 1967 makin dekat.

Dan orang2 baru yang di-ambil tidak berkelayakan dalam bahasa kebangsaan.

Kata-nya, selalu terjadi

uchapan Tengku Abdul Rahman mula-nya di-terjemahkan kapada bahasa Inggeris uuntuk "master bulletin" itu dan kemudian di-terjemahkan kembali ka-bahasa Melayu untok siaran warta berita Melayu.
Debat di-téruskan pagi esok.



DATO ISMAIL

Related Articles

No related article found.

